



SLUŽBENI GLASNIK OPĆINE VISOKO

GODINA XLVIII

Visoko, 7. februar 2014. godine

Broj 1

1.

Na osnovu člana 2.12 stav (5) i (8) Izbornog zakona BiH («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 7. stav 1. tačka d) Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini («Službeni glasnik BiH», broj: 9/10, 37/10 i 74/11) i člana 22. stav 1. tačka 18. Statuta općine Visoko („Službeni glasnik općine Visoko“, broj: 1/11 i 8/13) Općinsko vijeće Visoko, na 13. sjednici održanoj 28.12.2013. godine, donijelo je

ODLUKU

o imenovanju člana i predsjednika Općinske izborne komisije Visoko

Član 1.

AIDA KARAVELIĆ imenuje se za člana i predsjednika Općinske izborne komisije Visoko.

Član 2.

Mandat imenovane traje sedam godina i teče od dana davanja saglasnosti Centralne izborne komisije BiH na Odluku o imenovanju člana i predsjednika Općinske izborne komisije Visoko.

Član 3.

Ova odluka stupa na snagu danom davanja saglasnosti Centralne izborne komisije BiH i objaviće se u «Službenom glasniku općine Visoko».

Broj: 01/1-02-402/13 **PREDSJEDAVALA**
28.12.2013. godine **OPĆINSKOG VIJEĆA VISOKO**
Visoko **Mirela Mateša Bukva**

2.

Na osnovu člana 2.12 stav (5) Izbornog zakona BiH («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 22. stav 1. tačka 18. Statuta općine Visoko-prečišćeni tekst («Službeni glasnik općine Visoko», broj: 1/11) i člana 7. stav 1. tačka a) Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini («Službeni glasnik BiH», broj: 9/10, 37/10 i 74/11) Općinsko vijeće Visoko, na 14. sjednici, održanoj 31.01.2014. godine, donijelo je

ODLUKU

o raspisivanju javnog oglasa za imenovanje dva člana Općinske izborne komisije Visoko

Član 1.

Raspisuje se javni oglas za imenovanje dva člana Općinske izborne komisije Visoko.

Član 2.

Javni oglas iz člana 1. ove odluke objavit će se u najmanje jednom dnevnom listu koji izlazi na području Bosne i Hercegovine i na web stranici Općine Visoko.

Član 3.

Postupak javnog oglasa provest će Komisija za izbor i imenovanja Općinskog vijeća Visoko u skladu sa odredbama Izbornog zakona Bosne i Hercegovine i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini.

Član 4.

Komisija za izbor i imenovanja će, nakon provedenog postupka iz člana 3. ove odluke, a najkasnije u roku od 15 dana od dana zaključenja javnog oglasa, podnijeti Općinskom vijeću pisani

izvještaj o provedenom postupku javnog oglasa, sa rang listom kandidata.

Član 5.

Člana Općinske izborne komisije Visoko imenuje Općinsko vijeće Visoko, uz saglasnost Centralne izborne komisije Bosne i Hercegovine na period od sedam godina.

Član 6.

Sastavni dio ove odluke je javni oglas za imenovanje dva člana Općinske izborne komisije Visoko.

Član 7.

Ova odluka stupa na snagu danom objavljivanja u „Službenom glasniku općine Visoko“.

Broj: 01/1-02-25/14 PREDSEDavajuća
31.01.2014. godine OPĆINSKOG VIJEĆA VISOKO
Visoko Mirela Mateša Bukva

Na osnovu člana 2.12 Izbornog zakona BiH (“Službeni glasnik BiH”, broj: 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini (“Službeni glasnik BiH”, broj : 9/10, 37/10 i 74/11) i člana 1. Odluke o raspisivanju javnog oglasa za imenovanje dva člana Općinske izborne komisije Visoko, broj: 01/1-02-25/14 od 31.01.2014. godine, Općinsko vijeće Visoko raspisuje

JAVNI OGLAS

za imenovanje dva člana Općinske izborne komisije Visoko

I

Raspisuje se javni oglas za imenovanje dva člana Općinske izborne komisije Visoko.

Člana Općinske izborne komisije Visoko imenuje Općinsko vijeće Visoko, uz saglasnost Centralne izborne komisije Bosne i Hercegovine na period od 7 (sedam) godina.

U skladu sa Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini, osoba koja je kandidat za člana Općinske izborne komisije Visoko treba ispunjavati slijedeće opće uvjete:

- da je osoba sa pravom glasa,
- da je osoba sa odgovarajućom stručnošću i iskustvom na provedbi izbora.

II

(1) Pored općih uvjeta iz prethodne tačke ovog javnog oglasa, osoba koja je kandidat za člana Općinske izborne komisije Visoko mora ispunjavati i slijedeće posebne uvjete:

- da ima prebivalište u općini za koju se imenuje izborna komisija, odnosno prebivalište na području općine Visoko;
- da ima završen pravni fakultet, odnosno VII/1 stepen stručne spreme društvenog smjera (odnosno adekvatna stručna sprema po Bolonjskom sistemu obrazovanja) ili završenu višu školu, odnosno VI/1 stepen stručne spreme društvenog smjera i
- da posjeduje iskustvo u provedbi izbora.

(2) Pod iskustvom u provedbi izbora podrazumijeva se:

1. članstvo u izbornoj komisiji,
2. članstvo u biračkom odboru,
3. rad u stručnim organima koji su pružali pomoć u provođenju izbora,
4. objavljivanje stručnih i naučnih radova iz oblasti izbora.

(3) Izuzetno od odredbi tačke II (1) alineja 2, član izborne komisije može biti osoba sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona BiH.

(4) Izuzetno od odredbi tačke II (1) alineja 3, član izborne komisije može biti osoba koja ima završen pravni fakultet, odnosno VII/1 stepen stručne spreme (odnosno adekvatna stručna sprema po Bolonjskom sistemu obrazovanja).

III

(1) Sastav općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

(2) Sastav općinske izborne komisije će, u pravilu, odražavati ravnopravnu zastupljenost spolova.

Ravnopravna zastupljenost spolova postoji u slučaju kada je jedan od spolova zastupljen s najmanje 40% od ukupnog broja članova izborne komisije.

IV

U skladu sa članom 2.3 Izbornog zakona BiH, za člana Općinske izborne komisije ne može biti imenovana osoba:

- koja se ne može kandidovati u smislu odredbi člana 1.6, 1.7 i 1.7a Poglavlje I Izbornog zakona BiH;

- koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);

- koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;

- koja je kandidat za izbore za bilo koji nivo vlasti u Bosni i Hercegovini;

- kojoj je izrečena kazna za težu povredu Izbornog zakona BiH ili propisa za koji je lično odgovorna, u posljednje četiri godine računajući od dana pravosnažnosti odluke.

V

Član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže (član 2.12 stav (7) Izbornog zakona BiH).

VI

Uz prijavu na javni oglas potrebno je dostaviti slijedeću dokumentaciju:

1. kraću biografiju sa osobnim podacima kandidata (ime i prezime, ime jednog roditelja, jedinstveni matični broj, tačna adresa, broj telefona za kontakt, podaci o kretanju u službi, nacionalna pripadnost, sa naznakom o spolu kandidata);

2. diploma o završenom stepenu i vrsti stručne spreme;

3. dokaz o izbornom iskustvu kandidata (potvrda općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima izbornu iskustvo);

4. ovjerenu fotokopiju lične karte;

5. uvjerenje o prebivalištu izdato od CIPS-a, ne starije od tri mjeseca;

6. svojeručno potpisanu i od nadležnog organa ovjerenu izjavu o nacionalnoj pripadnosti;

7. svojeručno potpisanu i od nadležnog organa ovjerenu izjavu o nepostojanju smetnji iz člana 2.3 Izbornog zakona BiH, odnosno da osoba koja je kandidat za člana Općinske izborne komisije:

- nije osoba koja se ne može kandidovati u smislu odredbi člana 1.6, 1.7 i 1.7a Poglavlje I Izbornog zakona BiH,

- nije osoba koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),

- nije osoba koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH,

- nije osoba koja je kandidat za izbore za bilo koji nivo vlasti u Bosni i Hercegovini,

- nije osoba kojoj je izrečena kazna za težu povredu Izbornog zakona BiH ili propisa za koji je lično odgovorna, u posljednje četiri godine računajući od dana pravosnažnosti odluke;

8. svojeručno potpisanu i od nadležnog organa ovjerenu izjavu o nepostojanju smetnji iz tačke V ovog javnog oglasa (član 2.12 stav (7) Izbornog zakona BiH), odnosno da osoba koja je kandidat za člana Općinske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže.

VII

Dokumenti koji se dostavljaju kao dokaz o ispunjavanju uslova oglasa moraju biti originali ili ovjerene kopije.

Javni oglas će se objaviti u dnevnim novinama Oslobođenje i na web stranici Općine Visoko (visoko.gov.ba).

Rok za podnošenje prijava je 8 dana od dana objave u dnevnim novinama Oslobođenje.

Prijave sa potrebnom dokumentacijom treba dostaviti lično ili preporučenom poštom na adresu:

- **OPĆINA VISOKO - Komisija za izbor i imenovanja, Ul. A. Izetbegovića 12A, 71300 Visoko,**

- sa naznakom: **“Javni oglas za imenovanje člana Općinske izborne komisije-NE OTVARATI“.**

Po zatvaranju javnog oglasa, Komisija za izbor i imenovanja Općinskog vijeća Visoko izvršit će klasifikaciju kandidata na one koji ispunjavaju uslove javnog oglasa i na one koji ne ispunjavaju uslove.

Prijave kandidata sa kojima se ne stupa u kontakt u roku 15 dana od isteka roka za podnošenje prijava neće biti uzete u razmatranje u daljem procesu kandidovanja.

Sa kandidatima koji ispunjavaju uslove javnog oglasa, Komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervjuu.

Predmet intervjuja će biti poznavanje Izbornog zakona BiH.

Neblagovremene i nepotpune prijave neće se uzimati u razmatranje.

PREDSJEDAVAJUĆA
Općinskog vijeća Visoko
Mirela Mateša Bukva

3.

Na osnovu člana 66. Zakona o građevinskom zemljištu Federacije Bosne i Hercegovine („Službene novine FBiH“, broj: 25/03), člana 38.stav 2. Odluke o građevinskom zemljištu („Službeni glasnik općine Visoko“, broj: 4/04) i člana 22. Statuta općine Visoko („Službeni glasnik općine Visoko“, broj: 1/11 i 8/13), Općinsko vijeće Visoko na 14. sjednici održanoj 31.01.2014. godine, d o n o s i :

O D L U K U **o visini prosječne konačne građevinske cijene** **1 m2 korisne površine stambenog prostora na** **području općine Visoko za 2014.godinu**

Član 1.

Ovom Odlukom određuje se visina prosječne konačne građevinske cijene 1m2 korisne površine stambenog prostora na području općine Visoko za 2014. godine.

Član 2.

Prosječna konačna građevinska cijena 1 m2 korisne površine stambenog prostora na području općine Visoko iznosi 690,00 KM

Član 3.

Prosječna konačna građevinska cijena 1 m2 korisne površine stambenog prostora iz člana 2. ove Odluke, služi kao osnov za obračun naknade za pogodnost korištenja građevinskog zemljišta, naknade za uređenje gradskog građevinskog zemljišta i naknade za korištenje gradskog građevinskog zemljišta, a prema odredbama Odluke o građevinskom zemljištu („Službeni glasnik općine Visoko“, broj: 4/04).

Član 4.

Stupanjem na snagu ove Odluke prestaje da važi Odluka o visini prosječne konačne građevinske cijene 1 m2 korisne površine stambenog prostora na području općine Visoko („Službeni glasnik općine Visoko“, broj: 2/13).

Član 5.

Zadužuje se Služba za urbanizam, stambeno-komunalne poslove i katastar nekretnina da u skladu sa članom 2. i članom 3. ove Odluke uskladi Odluku o visini naknade za pogodnost korištenja građevinskog zemljišta, uređenje i korištenje gradskog građevinskog zemljišta na području općine Visoko za 2014.godinu.

Član 6.

Ova Odluka stupa na snagu osmog dana od dana objavljivanja u „Službenom glasniku općine Visoko“.

Broj: 01/1-02-26/14 **PREDSJEDAVAJUĆA**
31.01.2014. godine **OPĆINSKOG VIJEĆA VISOKO**
Visoko **Mirela Mateša Bukva**

4.

Na osnovu člana 32. stav 1. Zakona o upravljanju i održavanju stambenih i stambeno-poslovnih zgrada („Službene novine Zeničko-dobojskog kantona“, broj 2/08), kao i člana 22. Statuta općine Visoko („Službeni glasnik općine Visoko“, broj 1/11 i 8/13), Općinsko vijeće Visoko na 14. sjednici održanoj dana 31.01.2014. godine, d o n i j e l o j e :

O D L U K U **o visini naknade za održavanje zajedničkih** **dijelova i uređaja zgrade za 2014. godinu**

Član 1.

Ovom Odlukom utvrđuje se minimalna mjesečna visina naknade za održavanje zajedničkih dijelova i uređaja zgrade za 2014. godinu za vlasnike/ korisnike stambenih i poslovnih prostora u stambenim i stambeno-poslovnim zgradama.

Član 2.

Naknada za održavanje zajedničkih dijelova i uređaja zgrade za vlasnike/korisnike stambenih prostora iznosi 0,22 KM po m² mjesečno.

Član 3.

Naknada za održavanje zajedničkih dijelova i uređaja zgrade za vlasnike/korisnike poslovnih prostora iznosi 0,33 KM po m² mjesečno.

Član 4.

Vlanci/korisnici stanova i poslovnih prostora dužni su naknadu iz člana 2. i 3. ove Odluke uplaćivati na depozitni račun zgrade koji će u tu svrhu biti otvoren kod upravitelja.

Član 5.

Odluka stupa na snagu osmog dana od dana objavljivanja u "Službenom glasniku općine Visoko".

Broj: 01/1-02-398/14 PREDSEDAVAJUĆA
31.01.2014. godine OPĆINSKOG VIJEĆA VISOKO
Visoko Mirela Mateša Bukva

5.

Na osnovu člana 30. stav 1. Zakona o komunalnim djelatnostima ("Službene novine Zeničko-dobojskog kanzona", broj 17/08) i člana 22. Statuta općine Visoko ("Službeni glasnik općine Visoko", broj 1/11 i 8/13) Općinsko vijeće Visoko na 14. sjednici održanoj dana 31.01.2014. godine, d o n i j e l o j e:

O D L U K U

o vrijednosti boda za utvrđivanje komunalne naknade za 2014. godinu

Član 1.

Ovom Odlukom utvrđuje se vrijednost boda i način utvrđivanja visine komunalne naknade za 2014. godinu za stambeni, proizvodni i prostor za druge privredne djelatnosti prema jedinici mjere izgrađene korisne površine (m²).

Član 2.

Vrijednost boda za utvrđivanje komunalne naknade za 2014. godinu iznosi 0,002 KM/m². Visina komunalne naknade se utvrđuje prema kriterijima propisanim zakonom kojim je utvrđen broj bodova prema namjeni prostora i zoni u kojoj se isti nalazi.

Član 3.

Visina komunalne naknade po 1 m² stambenog prostora prema zonama u kojima se nalazi iznosi:

I zona	0,056
II zona	0,040
III zona	0,026
IV zona	0,016
V zona	0,008
VI zona	0,004

Član 4.

Visina komunalne naknade po 1 m² proizvodnog prostora prema zonama u kojima se nalazi iznosi:

I zona	0,112
II zona	0,080
III zona	0,040
IV zona	0,024
V zona	0,012
VI zona	0,006

Član 5.

Visina komunalne naknade po 1m² prostora za druge privredne djelatnosti prema zonama u kojima se nalazi iznosi:

I zona	0,168
II zona	0,120
III zona	0,064
IV zona	0,040
V zona	0,020
VI zona	0,010

Član 6.

Broj bodova za garažni prostor i vikend objekte jednak je broju bodova za stambeni prostor.

Za stambeni prostor, garažni prostor kao i vikend objekti koji se koriste u druge namjene broj bodova se određuje prema mjerilima za tu vrstu prostora za onaj dio korisne površine koji se za tu svrhu koristi.

Član 7.

Broj bodova utvrđen za stambeni prostor proimjenjuje se i za poslovni prostor javnih ustanova u kojima se obavljaju djelatnosti javnog karaktera i to:

Zdravstvo;
Obrazovanje, vaspitanje, nauka, kultura,
umjetnost;

Fizička kultura i sport;
Socijalna zaštita;
Đački i studentski standard;
Smještaj starih, iznemoglih i nezbrinutih lica;
Tradicionalni zanati;
Vojni objekti, kao i prostori u kojima se obavlja osnovna djelatnost humanitarnih organizacija
organizacija lica sa posebnim potrebama, vjerskih zajednica, organizacija za profesionalnu rehabilitaciju, osposobljavanje i zapošljavanje invalidnih lica.

Član 8.

Stupanjem na snagu ove Odluke prestaje da važi Odluka o vrijednosti boda za utvrđivanje komunalne naknade za 2013. godinu("Službeni glasnik općine Visoko", broj 6/12).

Član 9.

Ova Odluka stupa na snagu danom objavljivanja u "Službenom glasniku općine Visoko", a primjenjivat će se počev od 1.1.2014. godine.

Broj: 01/1-02-28/14 **PREDSJEDAVAJUĆA**
31.01.2014. godine **OPĆINSKOG VIJEĆA VISOKO**
Visoko **Mirela Mateša Bukva**

6.

Na osnovu člana 13. Zakona o principima lokalne samouprave u Federaciji Bosne i Hercegovine («Službene novine FBiH», broj 49/06) i člana 22. tačka 7. Statuta općine Visoko («Službeni glasnik općine Visoko», broj 1/11 i 8/13), Općinsko vijeće Visoko, na 14. sjednici održanoj 31.01.2014. godine, donijelo je

O D L U K U **o davanju u zakup općinskog prostora za potrebe javne kuhinje**

Član 1.

Ovom Odlukom Općinsko vijeće ovlašćuje Općinsku načelnicu Amru Babić da može zaključiti Ugovor sa Udruženjem «Mladi Volonteri», kojim se daje u zakup općinski prostor bez obaveze plaćanja zakupnine za potrebe otvaranja javne kuhinje.

Član 2.

Predmet Ugovora iz člana 1. je općinski prostor u ulici Kovačica 5. označen kao k.č. 1074 K.O. Visoko, površine 114 m².

Član 3.

Ugovorom o zakupu bez obaveze plaćanja zakupnine posebno će se ugovoriti način plaćanja i visina troškova na ime utroška električne energije, vode, komunalne naknade i održavanja koju će zakupac biti u obavezi uredno plaćati.

Član 4.

Odluka stupa na snagu danom objave u «Službenom glasniku općine Visoko».

Broj: 01/1-02-34/14 **PREDSJEDAVAJUĆA**
31.01.2014. godine **OPĆINSKOG VIJEĆA VISOKO**
Visoko **Mirela Mateša Bukva**

7.

Na osnovu člana 17. Zakona o komunalnim djelatnostima Zeničko-dobojskog kantona („Službene novine Zeničko-dobojskog kantona“ br. 17/08) i člana 22. Statuta općine Visoko („Službeni glasnik općine Visoko“, br. 1/11 i 8/13.) Općinsko vijeće Visoko na 14. sjednici održanoj dana 31.01.2014. godine, donijelo je

PROGRAM **KOMUNALNIH DJELATNOSTI ZA** **2014.GODINU**

I

PLANIRANI PRIHOD 590.000,00 KM

PLANIRANI RASHOD 590.000,00 KM

B.PLANIRANI RASHODI

I Održavanje javnih saobraćajnih površina
283.000,00 KM

1.Redovno održavanje javnih saobraćajnih površina

Mašinsko i ručno čišćenje grada 120.337,70 KM
211.070 m² x 35 sedmica

1.2. Pranje gradskih ulica 66.707,20 KM
89.984 m² 7 x godišnje
121.086 m² 5 x godišnje

1.3.Održavanje slivnika 5.955,10 KM
200 kom. 1 x godišnje

2. Zimsko održavanje gradskih ulica i trotoara
90.000,00 KM

II Održavanje javnih zelenih površina 177.000,00 KM

1.Održavanje javnih zelenih površina

Održavanje javnih zelenih površina
149.500,00 KM

Isticanje natpisa i obilježavanja povodom
praznika 7.500,00 KM

2.Investicije

Podrška infrastrukturnim ulaganjima u prošireni
dio gradskog groblja 15.000,00 KM

2.Dopunska sadnja sadnica drveća 5.000,00 KM

III Zimsko održavanje lokalnih puteva 90.000,00 KM

IV Rezerva 40.000,00 KM

REKAPITULACIJA

1.Održavanje javnih saobraćajnih površina
283.000,00 KM

2.Održavanje javnih zelenih površina i investicije
177.000,00 KM

3.Zimsko održavanje lokalnih puteva
90.000,00 KM

4. Rezerva 40.000,00 KM

UKUPNO: 590.000,00 KM

Napomena: Sve cijene su u skladu sa
važećim cjenovnikom usvojenim od strane
Općinskog vijeća Visoko, a na osnovu izjašnjenja
Općinskog načelnika.

II

Ovaj program objavit će se u „Službenom
glasniku općine Visoko“.

Broj: 01/1-02-29/14 PREDSJEDAVAJUĆA
31.01.2014. godine OPĆINSKOG VIJEĆA VISOKO
Visoko Mirela Mateša Bukva

8.

Na osnovu člana 17. Zakona o komunalnim
djelatnostima Zeničko-dobojskog kantona
(«Službene novine Zeničko-dobojskog kantona»
broj: 17/08) i člana 22. Statuta općine Visoko
(«Sl. glasnik općine Visoko», br. 1/11 i 8/13.),
Općinsko vijeće Visoko na 14. sjednici održanoj
31.01.2014. godine, donijelo je

P R O G R A M **utroška sredstava za tekuće održavanje** **u 2014. godini**

I

Tekuće održavanje javne rasvjete i semafora
.....40.000,00 KM

Tekuće održavanje fontana sa utroškom vode.
.....8.000,00 KM

(Šadrvan, Tabhana, Dr.Džananovića, Centar,
Luke, Šehidska, Buci, Arnautovići i Klisa,
Spomen obilježje šehidima)

Interventno djelovanje na putnoj infrastrukturi
.....70.000,00 KM

4. Održavanjem vertikalne i horizontalne
signalizacije.....30.000,00 KM

Saniranje šahtova.....2.000,00 KM

Označavanje ulica i numerisanje objekata
.....10.000,00 KM

Rezerva.....10.000,00 KM

Nosilac aktivnosti na realizaciji Plana
utroška sredstava za tekuće održavanje je općina
Visoko, Služba za urbanizam, stambeno-
komunalne poslove i katastar nekretnina.

II

Ovaj Program objavit će se u «Službenom
glasniku općine Visoko».

Broj: 01/1-02-30/14 PREDSJEDAVAJUĆA
31.01.2014. godine OPĆINSKOG VIJEĆA VISOKO
Visoko Mirela Mateša Bukva

9.

Na osnovu Odluke o načinu raspodjele
sredstava Fonda za zaštitu okoline («Službene
novine Zeničko-dobojskog kantona», br: 9/03.) i
člana 22. Statuta općine Visoko («Službeni
glasnik općine Visoko», broj: 1/11 i 8/13)
Općinsko vijeće Visoko na 14. sjednici održanoj -
31.01.2014. godine, donijelo je

PROGRAM
ulaganja sredstava iz Fonda za zaštitu okoline
ZE-DO kantona na području općine Visoko za
2014.godinu

Član 1.

Ovim Programom utvrđuje se način utroška sredstava iz Fonda za zaštitu okoline ZE-DO kantona na području općine Visoko za 2014.godinu visina planiranih sredstava, rokovi izvršenja planiranih poslova i nosioca aktivnosti.

Član 2.

Visina planiranih sredstava za 2014. godinu iznosi:

PRIHODI	100.000,00 KM
PRENESENA SREDSTVA	20.000,00 KM
	120.000,00 KM

Član 3.

Sredstva iz Fonda za zaštitu okoline ZE-DO kantona na području općine Visoko za 2014.godinu planiraju se utrošiti za:

Red. br.	AKTIVNOST	PLANIRANA SREDSTVA	ROK 2014
1.	Podrška projektima iz oblasti zaštite okoline	20.000,00 KM	I-XII
2.	Podrška realizaciji projekta iz Plana upravljanja otpadom u saradnji sa SIDA-om	40.000,00 KM	I-XII
3.	Saniranje divljih deponija	20.000,00 KM	I-XII
4.	Ostali projekti (zbrinjavanje pasa lualica)	30.000,00 KM	I-XII
5.	Deratizacija	10.000,00 KM	I-XII
	UKUPNO:	120.000,00 KM	I-XII

Član 4.

Finansiranje planskih aktivnosti vršit će se prema dinamici priliva sredstava iz Fonda za zaštitu okoline ZE-DO kantona na području općine Visoko za 2014.godinu.

Član 5.

Nosilac aktivnosti na realizaciji Programa ulaganja sredstava iz Fonda za zaštitu okoline ZE-DO kantona na području općine Visoko je općina

Visoko, Služba za urbanizam, stambeno-komunalne poslove i katastar nekretnina.

Član 6.

Ovaj program objavit će se u «Službenom glasniku Općine Visoko»

Broj: 01/1-02-31/14 **PREDSJEDAVAJUĆA**
31.01.2014. godine **OPĆINSKOG VIJEĆA VISOKO**
Visoko **Mirela Mateša Bukva**

10.

Na osnovu člana 25. Zakona o građevinskom zemljištu Federacije Bosne i Hercegovine («Službene novine Federacije BiH», broj 67/05) i člana 22. Statuta općine Visoko («Službeni glasnik općine Visoko», broj 1/11 i 8/13), rješavajući po zahtjevu Frtuna Nedžada iz Visokog, u predmetu preuzimanja nekretnina, Općinsko vijeće Visoko, na 14. sjednici održanoj dana 31.01.2014. godine, d o n o s i:

Z A K L J U Č A K

- 1. NE PRIHVATA SE** ponuda Frtuna (Fadil) Nedžada iz Visokog za preuzimanje privremenog prava korištenja zemljišta na nekretnini označenoj k.č. 2656 zvana „Ljetovik“ njiva 4. klase površine 401 m², upisane u zk. ul. 1218 KO Visoko.
- Promet se dozvoljava ali ne po nižoj cijeni od one koja je ponuđena Općini u iznosu od 30.000 KM.
- Ovaj Zaključak stupa na snagu danom donošenja i objavit će se u „Službenom glasniku općine Visoko“.

O b r a z l o ž e n j e

Frtuna (Fadil) Nedžad iz Visokog obratio se Općinskom vijeću Visoko sa ponudom za preuzimanje privremenog prava korištenja zemljišta opisanog u tački 1. ovog Zaključka, a na kojem imenovani ima upisano privremeno pravo korištenja zemljišta udio 1/1.

Na osnovu provedenog postupka, a obzirom da budžetom Općine Visoko za 2014. godinu nisu predviđena sredstva za kupovinu ove vrste zemljišta time općina Visoko nije zainteresirana za dostavljenu ponudu.

Saglasno odredbi stava 2. člana 25. Zakona o građevinskom zemljištu, može se prenijeti pravo korištenja navedenog zemljišta na treća lica, ali ne po nižoj cijeni od one koja je ponuđena Općini.

PRAVNA POUKA:

Protiv ovog zaključka nije dozvoljena žalba, ali se može pokrenuti upravni spor podnošenjem tužbe u roku 30 dana od dana dostavljanja zaključka.

Tužba se predaje nadležnom sudu neposredno ili mu se šalje poštom preporučeno.

Broj: 01/1-02-32/14 **PREDSJEDAVAJUĆA**
31.01.2013. godine **OPĆINSKOG VIJEĆA VISOKO**
Visoko **Mirela Mateša Bukva**

11.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06), čl. 22. i 98. Statuta općine Visoko («Službeni glasnik općine Visoko», broj 1/11 i 8/13), rješavajući po zahtjevu Burić Nusrete i drugih Općinsko vijeće Visoko, na 14. sjednici održanoj dana 31.01.2014. godine, d o n o s i:

ZAKLJUČAK

1. **Daje se saglasnost** Burić (Ismet) Nusreti, Burić (Omer) Adnanu i Matoruga (Omer) Amri da mogu zaključiti ugovor o uspostavljanju prava služnosti sa pravnim licem BH Telekom na parcelama označenim k.č. 3511/2 i 3511/1 zvane „Priječko, njive 4. klase ukupne površine 944 m² KO Visoko na kojima imenovani imaju upisano privremeno pravo korištenja zemljišta sa jednakim udjelima po 1/3 i upisanim pravom raspolaganja u korist općine Visoko udio 1/1, a u svrhu i pod uslovima utvrđenim Rješenjem o dobrenju rekonstrukcije kabla 3, 4/4-I/, 4-II i 5 u pretplatničkoj mreži Visoko, broj 03/3-361-156/98.

2. Ovaj Zaključak stupa na snagu danom donošenja i objavit će se u „Službenom glasniku općine Visoko“.

O b r a z l o ž e n j e

Općinskom vijeću obratili su se Burić (Ismet) Nusreta, Burić (Omer) Adnan i Matoruga (Omer) Amra sa zahtjevom za davanje saglasnosti za zaključenje ugovora sa BH Telekom o uspostavljanju služnosti na parcelama k.č. 3511/2 i 3511/1 KO Visoko na kojima imenovani imaju upisano privremeno pravo raspolaganja sa udjelima po 1/3, a općina Visoko ima upisano pravo raspolaganja udio 1/1.

Obzirom da se radi o gradskom građevinskom zemljištu na kojem je upisano pravo raspolaganja općine Visoko to je za notarsku obradu i ovjeru ugovora potrebna

saglasnost Općinskog vijeća, a kako je svrha uspostavljanja prava služnosti postavljanje-rekonstrukcija PTT kablova, odlučeno je kao u dispozitivu zaključka.

PRAVNA POUKA:

Protiv ovog zaključka nije dozvoljena žalba, ali se može pokrenuti upravni spor podnošenjem tužbe u roku 30 dana od dana dostavljanja zaključka.

Tužba se predaje nadležnom sudu neposredno ili mu se šalje poštom preporučeno.

Broj: 01/1-02-33/14 **PREDSJEDAVAJUĆA**
31.01.2014. godine **OPĆINSKOG VIJEĆA VISOKO**
Visoko **Mirela Mateša Bukva**

12.

Nakon izvršenog savnjavanja sa izvornim tekstom, utvrđeno je da se u Odluci o organizovanju i funkcionisanju zaštite od požara i vatrogastvu na području općine Visoko, koja je objavljena u „Službenom glasniku općine Visoko“, broj: 1/13 od 6.2.2013. godine, potkrala tehnička greška te u skladu sa članom 25. i 132. Poslovnika Općinskog vijeća Visoko („Službeni glasnik općine Visoko“, broj: 7/08 i 6/11) daje se

I S P R A V K A

Odluke o organizovanju i funkcionisanju zaštite od požara i vatrogastvu na području općine Visoko

I

U Odluci o organizovanju i funkcionisanju zaštite od požara i vatrogastvu na području općine Visoko („Službeni glasnik općine Visoko“, broj: 1/13) izostavljeni su članovi 20, 21, 22, 23, 24. i 25. te se isti dodaju kako slijedi:

Član 20.

Snage za obavljanje vatrogasne djelatnosti na području Općine su:

1. Osnovne snage za obavljanje vatrogasne djelatnosti, i to:

- profesionalna vatrogasna jedinica Općine, koju čine vatrogasci u radnom odnosu u Općinskoj službi civilne zaštite;

2. Dopunske snage za vatrogastvo, koje mogu činiti:

- dobrovoljne vatrogasne jedinice, koje osnivaju dobrovoljna vatrogasna društva,
- vatrogasne jedinice pravnih lica,

3. Snage koje djeluju u toku izvođenja vatrogasne intervencije ili u drugim situacijama i to:

- 1) jedinice civilne zaštite,
- 2) službe zaštite i spašavanja,
- 3) općinski komandant civilne zaštite,
- 4) povjerenici civilne zaštite,
- 5) operativni centar civilne zaštite, kao komunikacijsko - informacijska podrška općinskom komandantu civilne zaštite i drugim organima, koji rukovode akcijama zaštite na području ugroženom od požara.

Član 21.

Organizovanje profesionalne vatrogasne jedinice

U cilju osiguranja zaštite života i zdravlja ljudi i materijalnih dobara od požara, na području Općine, osniva se profesionalna vatrogasna jedinica koja djeluje u sastavu Službe civilne zaštite Općine, odnosno Odsjek zaštite od požara i vatrogastva (u daljem tekstu Profesionalna vatrogasna jedinica), sa sjedištem u Vatrogasnom domu Visoko.

Član 22.

Poslovi profesionalne vatrogasne jedinice

Profesionalna vatrogasna jedinica vrši sljedeće operativne i druge poslove:

- gasi požar i spašava ljude i materijalna dobra ugrožena požarom i eksplozijom na otvorenom prostoru, šumske požare, požare na građevinama i materijalnim dobrima svih vlasnika i korisnika gdje se god požar pojavi;
- pruža tehničku pomoć u spašavanju ljudi u nezgodama izazvanim u prometu (cestovni, željeznički), poplavama, spašavanja s visina i drugim akcidentnim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara;
- sudjeluje u provođenju određenih preventivnih mjera zaštite od požara i eksplozija koje se odrede u planu zaštite od požara Općine, a koje mogu provoditi profesionalne vatrogasne jedinice;
- pruža odgovarajuću pomoć u spašavanju ljudi i materijalnih dobara pri postojanju stanja prirodne i druge nesreće.

Član 23.

Područje djelovanja i rada profesionalne vatrogasne jedinice

Profesionalna vatrogasna jedinica, vatrogasnu djelatnost obavlja na području Općine Visoko.

Profesionalna vatrogasna jedinica obavlja vatrogasnu djelatnost prema odredbama Federalnog i Kantonalnog zakona i pravilima struke, na području za koje je osnovana bez obzira čiji su ljudski životi i materijalna dobra ugroženi požarom ili eksplozijom.

Vatrogasna jedinica iz stava 1. ovog člana, obavezna je sudjelovati u vatrogasnoj intervenciji i izvan područja svoga djelovanja po naredbi Štaba civilne zaštite, odnosno komandanta civilne zaštite, što se vrši u uslovima utvrđenim u Federalnom zakonu.

Član 24.

Rad profesionalne vatrogasne jedinice odvija se neprekidno u smjenama, a što se detaljnije utvrđuje aktom o rasporedu smjena, a u skladu sa članom 63. Kantonalnog zakona.

Član 25.

Pri utvrđivanju broja vatrogasaca u vatrogasnoj jedinici iz člana 22. ove Odluke, mora se voditi računa da jedinica u svakoj smjeni koja je na dužnosti bude po svom brojčanom sastavu i tehničkoj i drugoj opremi tako formirana da bude sposobna za brzo i djelotvorno gašenje požara i spašavanje ljudi i materijalnih dobara koji su ugroženi požarom ili eksplozijom, što se određuje zajedno s elementima predviđenim u Federalnom zakonu i Kantonalnom zakonu.

U Planu zaštite od požara Općine, utvrđuje se ukupan broj vatrogasaca koji je potreban u profesionalnoj vatrogasnoj jedinici koja se osniva prema odredbama Federalnog i Kantonalnog zakona.

Profesionalna vatrogasna jedinica mora biti opremljena odgovarajućom vatrogasnom opremom, vozilima, tehničkim i drugim sredstvima koja su prijeko potrebna da bi jedinica mogla djelotvorno gasiti požar, što se utvrđuje materijalnom formacijom jedinice koja sadrži vrstu i količinu opreme, tehničkih i drugih sredstava, a prema potrebama utvrđenim u Planu zaštite od požara Općine.

U skladu sa podacima utvrđenim u planu iz stava 2. ovog člana, izrađuje se lična formacija profesionalne vatrogasne jedinice Općine koja sadrži podatke o ukupnom broju vatrogasaca vatrogasne jedinice.

Ličnu i materijalnu formaciju profesionalne vatrogasne jedinice Općine, utvrđuje Općinska načelnica, na prijedlog Službe civilne zaštite.

Vatrogasna jedinica Općine dužna je vatrogasnu opremu, vozila, tehnička i druga

sredstva stalno održavati u ispravnom stanju i pripravnosti u za to predviđenim objektima i održavanje vršiti prema uputama proizvođača, o čemu jedinica vodi posebnu evidenciju.

II

Ispravka će se objaviti u „Službenom glasniku općine Visoko“.

**Broj: 01/3-02-45/14
6.2.2014. godine
Visoko**

**SEKRETAR
OPĆINSKOG VIJEĆA VISOKO
Zekija Omerbegović**

S a d r Ź a j

Redni
broj

Strana

I – OPĆINSKO VIJEĆE

1. Odluka o imenovanju člana i predsjednika Općinske izborne komisije Visoko
2. Odluka o raspisivanju javnog oglasa za imenovanje dva člana Općinske izborne komisije Visoko
3. Odluka o visini prosječne konačne građevinske cijene 1 m² korisne površine stambenog prostora na području općine Visoko za 2014. godinu
4. Odluka o visini naknade za održavanje zajedničkih dijelova i uređaja zgrada za 2014. godinu
5. Odluka o vrijednosti boda za utvrđivanje komunalne naknade za 2014. godinu
6. Odluka o davanju u zakup općinskog prostora za potrebe javne kuhinje
7. Program komunalnih djelatnosti za 2014. godinu
8. Program utroška sredstava za tekuće održavanje u 2014. godini
9. Program ulaganja sredstava iz Fonda za zaštitu okoline Zeničko-dobojskog kantona na području općine Visoko za 2014. godinu
10. Zaključak o neprihvatanju ponude Frtuna Nedžada za preuzimanje privremenog prava korištenja zemljišta na nekretnini označenoj k.č. 2656, upisane u zk.ul. 1218 KO Visoko
11. Zaključak o davanju saglasnosti Burić Nusreti, Burić Adnanu i Matoruga Amri za zaključenje ugovora o uspostavljanju prava služnosti sa pravnim licem BH Telecom na parcelama označenim k.č. 3511/2 i 3511/1 KO Visoko

II – SEKRETAR OPĆINSKOG VIJEĆA

12. Ispravka Odluke o organizovanju i funkcionisanju zaštite od požara i vatrogastvu na području općine Visoko